

La mesiraziun uffiziala svizra possibilitescha bleras chaussas.



I n'è betg smesirà da dir che la mesiraziun uffiziala crescha basas indispensablas per impurtants secturs da nossa vita.

Di per di lavuran circa 3300 spezialistas e spezialists vidlonder – duvond las metodas las pli modernas ed ils instruments ils pli actuals: las inschigneras geometras ed ils inschigners geometers e lur collavuraturas e collavuratur en l'entir pajais.



La mesiraziun uffiziala garantescha la proprietad funsila.

La mesiraziun uffiziala fixescha – sco part integrala dal register funsil – ils cunfins exacts dals bains immobigliars e crescha uschia la basa per garantir la proprietad funsila.

A photograph of a busy city street at dusk. In the foreground, a hand holds a smartphone displaying a navigation app with a blue map and a white arrow. The background shows a street with a red bus, a silver car, and pedestrians. Buildings with lit windows and signs like 'TECK', 'Basler', 'INTRALS', 'Apollitheke', and 'STARBUCKS COFFEE' are visible. A traffic light on the right shows a red light. The overall scene is illuminated by streetlights and building lights, creating a warm, urban atmosphere.


La mesiraziun uffiziala mussa la via.

La qualitat excellenta e l'exactadad dals plans communs e municipals han tradiziun en Svizra. La mesiraziun uffiziala è ina premessa indispensabla en quest connex.



La mesiraziun uffiziala guida a salvar vitas.

L'adressa permetta d'identifitgar cleramain e senza confusiun in edificzi. En cas d'urgenza vegn er el chattà svelt dals servetschs da salvament, dals pumpiers e da la polizia. La mesiraziun uffiziala actualisescha las adressas dals edificzis da tut la Svizra.

A scenic landscape featuring rolling green hills under a clear sky. In the foreground, a large, leafy tree stands on the left, and a smaller, bare tree is on the right. A blue text box with a white border and decorative white circles is overlaid on the lower part of the image. The text inside the box discusses official measurements and environmental protection.

La mesiraziun uffiziala protegia l'ambient.

I na dat nagins projects da construcziun senza in plan da zonas che fixescha, nua e tge ch'igl è permess da construir. Ils plans da zonas sa basan sin las datas da la mesiraziun uffiziala. Els gidan a tractar cun quità la resursa preziosa «terren» ed a proteger il maletg da la cuntrada.



La mesiraziun uffiziala promova l'innovaziun.

La mesiraziun uffiziala è la basa per systems d'infurmaziun geografica (SIG) che vegnan duvrads en ils secturs ils pli different, sco per exempel la planisaziun dal territori, la protecziun da las auas, il turissem, il traffic, ils privels da la natira e bler auter pli.



La mesiraziun uffiziala mussa la Svizra tala e quala.

La mesiraziun uffiziala furnescha las datas davart l'autezza per ils models digitalis dal terren. Quests models reproduceschan detagliadamain la surfatscha da la cuntrada – quai è util per la planisaziun e per la gestiun d'edifizis, da raits da vias e da viafiers, d'implants da telecomunicaziun, da la resursa «aua» e.u.v., dentant er per prevegnir a privels da la natira.

A yellow tracked excavator is shown from a low angle, working on a pile of reddish-brown earth. The excavator's arm and bucket are visible on the left side of the frame. The background is a clear, bright blue sky. The excavator has the number '1.338' visible on its side.

La mesiraziun uffiziala signifitgescha collavuraziun effizienta.

La mesiraziun uffiziala è in bun exempel per il public private partnership. Qua collavuran stretgmain il maun public – confederaziun, chantuns, vischnancas – e l'economia privata.

La confederaziun, ils chantuns e las vischnancas sa participeschan comunablamain a las incumbensas ed a la finanziaziun da la mesiraziun uffiziala. Las lavurs da mesiraziun vegnan realisadas quasi exclusivamain tras biros d'inschigneria e da mesiraziun privats.

La surfatscha da la terra vegn mesirada en moda exacta e fidada grazia a metodos ed a proceduras fitg differentas: mesiraziuns terrestras, nivellaziun, sistem global da navigaziun cun satellits, fotogrammetria, scans da laser. Midadas vegnan actualisadas permanentamain. Las datas èn pia adina al stadi il pli nov. Ellas stattan a disposiziun en furma analogica (sin plans) u digitala (en il computer). Las datas digitalas sa laschan colliar e cumbinar illimitadamain cun autras datas ch'èn relevantas per il territori (geodatas) per las applicaziuns las pli diversas.

Infurmaziuns cumplexivas chattais Vus sin il portal da la mesiraziun uffiziala svizra sut www.cadastre.ch



Mesiraziun Uffiziala Svizra
www.cadastre.ch